



天柱吟

天柱大峡谷 黄洪应

云环天柱雾苍茫，劲挺峰峦胜画廊。
远近回眸游客醉，高低拂面让人尝。
双峰对峙悬崖峭，一水腾飞瀑布狂。
灵秀雄奇传四海，风光无限美名扬。

游山谷流泉摩崖石刻 黄洪应

谷壑幽幽碧水流，摩崖石刻壁中留。
名山胜地迎游客，心旷神怡入画图。

水吼镇天柱村 王念生

天柱群峰可有涯？湖光山色映农家。
秋来再约韩湘子，听笛观鱼赏稻花。

水吼镇和平村 王念生

铁锁关中觅弹坑，先驱洒血换和平。
奇花点缀坞岩上，怪石多姿接白云。

炼丹湖 程小镛

涧练如虹溅玉珠，行云野鹤舞琼崖。
烟萦紫灶风飘散，霞冉碧湖影动来。
李白魂牵归岳岫，左慈梦绕炼丹台。
喜观千古名山色，宝镜天光荡漾开。

舒王井 程小镛

退却芳华仕宦时，漩泉一井隐丹墀。
贤名已显舒王颂，懿泽曾经皖国知。
万载文名垂古史，千年月露映诗词。
徘徊数上台高立，静听鸬鹚烟雨啼。

天柱峰 杨晓红

奇险神光谁主开，擎天万古雾云裁。
一身诗韵穷奇貌，奔月回纒落绝台。



群峰雾列 张永富 摄



天柱印月 张永富 摄



雾锁天柱 张永富 摄

天柱山象鼻石 杨晓红

呼雨吹云多少年，一腔豪气向蓝天。
春秋五色阑珊过，不变真身对万千。

炼丹湖 王去非

层峦倒映炼丹湖，细雨抛珠淡也无？
一似春宵少女梦，动人心处总模糊。

登天柱 王去非

巍峨天柱出云间，拾级攀登思悄然。
壁立嶙峋疑鸟绝，歌凝幽咽骇泉喧。
峰回路转恍如梦，心逐云飞欲上天。
江水迷茫成一线，引吭长啸涤尘缘。

天柱山炼丹湖 张维成

炼丹湖水接苍穹，十叠青山九倒峰。
岸上鲜花湖上景，天中新月水中弓。
浮岚常隐松栖凤，薄雾惯遮浪濯龙。
料得左慈迷望眼，归来难觅旧时踪。

西关寨 张维成

西关高耸托晴空，鸟道盘回绕巨龙。
草木未留烽火迹，巉岩仍现大王雄。
风吹天籁声如鼓，雨拂星河气贯虹。
何处能消家国恨，寨门碑刻诉丰功。

天柱山 汪张根

一剑穿云入碧穹，王侯到此亦卑躬。
应缘赐我擎天柱，继后无人论共工。

神秘谷 汪张根

神秘幽严吐紫烟，无边风月挂川前。
香堆陶径游如织，携手盈壶入洞天。

天龙瀑 郑蔚

神龙跃下皖山巅，张口苍崖吐白涎。
峡谷空蒙晴欲雨，清风惬意爽尤鲜。
鸣禽夜伴千雷吼，散玉晨飞五色嫣。
几度瀑前难尽兴，遥看溅沫洗尘烟。

天柱山白水瀑布 郑蔚

谁家放水决天河，黑虎山泉卷碧波。
白练垂悬三百丈，飞流直下五千梭。
春阳照射金花溅，薄雾浮游紫气挪。
仰望晴空清静处，骚人信口乱吟哦。

天柱探梅 江山

携手来寻梅萼红，鬓云衣袂起春风。
遥山叠翠衔晴出，疏影含香入画同。
循径人来飞野鹤，穿林水暖照惊鸿。
樽前偶忆当时事，尽付迷离一卷中。

初二日谒山谷寺 江山

清欢连日付尊罍，试向岩阿探早梅。
风月不殊谁作主，江山无恙我重来。
流泉漱石翻新曲，古寺摩碑拂旧苔。
寄语春光须暂驻，客怀难得此时开。



天柱日晕 张永富 摄